

EM10 pitinnagu sioqqutsillutik Naalakkersuisut kalaallit ilinniartut inuuniarnermikkut atugaat pillugu misissuititsinissaat pillugu Inatsisartunut aalajangiiffigisassatut siunnersuut. Misissuinerup periarfissiissutigissavaa Kalaallit Nunaanni Danmarkimi, nunanilu allani ilinniartut atugaasa assersuussinnaalernissaat siunertaralugu ilinniartut atugaasa allangortissinnaalernissaat.

(Katusseqatigiit Partiiat, Demokraatit Inuit Ataqatigiillu Inatsisartuni ilaasortaataat)

Akissuteqaat

(Kultureqarnermut, Ilinniartitaanermut, Ilisimatusarnermut Ilageeqarnermullu Naalakkersuisoq)

Siullermeerineq

Katusseqatigiit Partiiat, Demokraatit aamma Inuit Ataqatigiit Inatsisartuni ilaasortaataat siunnersuuteqarput, Naalakkersuisut UKA10 pitinnagu sioqqutsillutik kalaallit ilinniartut inuuniarnermikkut atugaat pillugit misissuititsinissaat. Misissuinerup periarfissiissutigissavaa Kalaallit Nunaanni Danmarkimi, nunanilu allani ilinniartut atugaasa assersuussinnaalernissaat siunertaralugu ilinniartut atugaasa allangortissinnaalernissaat.

Naalakkersuisut aalajangiiffigisassatut siunnersuut qutsatigaat matumuunalu imatut akissuteqassallutik.

Naalakkersuisut ilinniartitaaneq annertuumik pingaartippaat. Taamaattumik Naalakkersuisut siunnersuuteqartutulli kissaatigaat, ilinniagaqartut sapinngisaq naapertorlugu ajunnginnerpaamik atugassaqqassat. Tamannalu Naalakkersuisut sulissutigiuannarpaat. Taamaattumillu ilinniagaqartut atugarisaat ingerlaavartumik naliliiffigineqartarput.

Naalakkersuisut siunnersuuteqartut isumaqatigaat, ilinniagaqartut inuuniarnermikkut atugarisaat sapinngisamik assigiissinniarneqartariaqartut, sumiluunniit ilinniarnissaq qeneraluaraanni. Naalakkersuisut isumaqarput, tamanna ullumikkut assut pingaaruteqartoq. Taamaattumik Naalakkersuisut siunnersuut tapersorsorpaat siunnersuutigineqartutullu misissuititsinermik aallartitsiumallutik.

Siunnersuuteqartut kissaatigaat, UKA10 pitinnagu sioqqutsisumik misissuineq pisariaqartoq. Taamaattumik Naalakkersuisunit ilinniagaqartut suliniaqatigiiffii KIK, Avalak aamma Kisaq attavigeererput. Ilinniakkani assigiinngitsuni tamani Nunatsinniittuni, Danmarkimiittuni nunanilu allaniittuni ilinniagaqartut inuuniarnermikkut atugarisaat ilinniagaqartut suliniaqatigiiffii qanimut suleqatigalugit qulaajarneqassapput.

Tamatuma saniatigut taaneqassaaq, Danmarkimi kalaallit illuini ilinniagaqartunik siunnersuisartut 15. april 2010 ataatsimeeqatigineqarneranni misissuineq aallartilersoq oqaluuserineqarmat. Kalaallit illui ukiorpasuaru misilittakkatik ilisimasatillu aallaavigalugit Danmarkimi nunanilu allani ilinniartut atugarisaannik misissuineru tapersiilluarsinnaapput. Peqatigisaanik Nunatsinni ilinniartut atavigineqassapput Nunatsinni atugassarititaasut pillugit misilittakkat ilisimasallu katersorniarlugit.

Kiisalu oqaatigineqassaaq, Namminersornerullutik Oqartussat ilinniagaqarneruuteqarneq pillugu nalunaarutaata nr. 8 27. marts 2008-imeersup suliarineqaqqinneranut atasumik Naalakkersuisut qulakkeereermassuk piareersaanermi ilinniagaqartut piareersaanermut peqataatinnissaat. Ilinnia-

gaqartut suliniaqatigiiffii marloriarlugit ataatsimeeqatigineqareerput, taakkulu allannguutissatut inassutigisaat nalunaarsorneqarput arlalittigullu allannguutaajumaartussanut aallaavijujumaarlutik.

Aammattaaq Naalackersuisut ilisimavaat, ilinniagaqartut namminneerlutik misissuititsinermik aallartitsisimasut, Naalackersuisut misissuititsiniarnerannut ilanngunneqarsinnaajumaartunik.

Naalackersuisut isumaqarput, tamakkiisumik isigalugu ilinniagaqartut atugarisaat ajunngitsuusut, kisiannili aamma iluarsivigineqarsinnaasunik ilaqartut. Kisiannili misissuinerup inernissaa Naalackersuisut utaqqiniarpaat, tamatumalu kingorna ilinniagaqartut suliniaqatigiiffii qanimut aammalu Inatsisartut suleqatigalugit allannguutaasinnaasut misissorumallugit, taamaaliornikkut ilinniagaqartut inuuniarnikkut atugarisaat sapinngisamik assigiissarnissaat anguniarlugu, ilinniagaqarneq sumiluunniit ingerlanneqaralarpat. Tassunga atatillugu nalilersorneqassaaq, allannguutaasinnaasut aningaasaliissutit iluani pisinnaanersut.

Taamatut oqaaseqarlunga Naalackersuisut innersuussutigaat siunnersuut akuersaarneqassasoq.